

Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

Capvt VI.

urn:nbn:de:hbz:466:1-15591

De Concordia Sacerdotij

*Gratianus cap. 51
Romaniens. D.
xii.*

enim illi Decretales epistolas priscorum Pontificum ideo non admittendas, quod in codicem canonum non essent relatæ. Reponit Nicolaus, ex hoc sequi nec ipsas Scripturas sacras Veteris & Novi Testamenti suscipiendas, quia codici ecclesiasticorum canonum non sunt insertæ. Si autem Galli respondeant, Innocentij decreto, quod in codicem canonum relatum est, statui ut Testamentum Vetus & Novum recipiatur, eadem ratione dici posse Decretales illas epistolas esse recipiendas, quia Decreto Leonis Papæ caveretur omnia Decretalia constituta decessorum suorum custodienda esse. Itaque nihil interesse utrum sint omnia decretalia sedis apostolice constituta inter canones Conciliorum immixta, cum omnia in uno corpore compaginari non possint. Quod Nicolaus confirmat Gelasij Papæ definitione, cuius hæc sunt verba: *Decretales epistolas quas beatissimi Papa diversis temporibus de urbe Roma pro diversorum patrum consultatione dede- runt, venerabiliter suscipiendas decernimus.* Hic Gelasij locus à Nicolao & Hincmari trahitur in partes. Sanè si commentitia non essent epistolæ veterum Pontificum, Gelasius Nicolai caussam juvaret potius quam Hincmari. Sed aliud Hincmari argumentum invicatum remanet, nempe canonibus posterioribus derogatum fuisse priscis illis Decretalibus, etiæ veræ forent, quarum ratio habenda non sit in iis capitibus quæ Codici Canonum adverstantur. In ceteris enim articulis, Galliæ Episcopi testimoniis harum epistolarum utebantur, ut antè dixi. Quod illis Nicolaus objiciebat: *Cum ipsi, inquit, sue intentioni hæc suffragari conspi- ciunt, illis indifferenter utuntur.*

C A P V T V I .

Synopsis.

I. Quaritur causa contentionis inter Nicolaum & Episcopos Gallicanos ob antiquas Decretales. Scilicet ut nova regula illis epistolis asserta constitueretur in synodis & iudicis Episcoporum, que inconsulto Romano Pontifice peragi prohibentur, etiam si appellatum non fuerit.

II. Tandem epistola illa recepta sunt initio tertie Regum dynastie, ut patet è Concilio Remensi. Collectio Burchardi his epistolis aucta. Iovis quoque, qui primus in Occidente jus civile cum canonico in unum corpus compedit. Ecclesia Gallicana usq; olim codicis Theodosij, libro xvi. Gratiani collectio, ejusque au- thoritas.

III. De collectionibus decretalium breviter.

IV. De novi juris incremento, unde processerit. Iuris constitutendi auctoritas revocata ferè ad Summum Pontificem; & nova negotiorum species corpus juris

auxerunt. Novus ordo judiciorum ecclesiasticorum, Beneficiorum institutio. Matrimoniorum impedimenta, & iudicia. Nova constitutiones de excommunicationibus, de religiosis, de privilegiis, & exemptionibus. Is est rerum status, ut antiquum jure sufficere non possit ad divimendas controversias.

V. Ex superioribus confutatur Lefchafferij sententia, qui veram Libertatem Ecclesie Gallicana confituit in jure antiquo. Ea sita est in recto antiqui & novi juris usu. Hæc est sententia B. Ludovici, Caroli VI. & Ecclesie Gallicane.

VI. Decretales Episcoporum administrationem temporarunt, non abstulerunt. Cui locus esset juxta juris antiqui regulas, cogente necessitate.

I. **C**VM tantopere Nicolaus exegit à Gallis ut his epistolis in canonum censum admittendis faciles se præberent, ipsique tam constanter sententiam suam retinuerint, non alienum erit in causam hujus contentionis inquirere. Eam mihi collegisse videor ex Hincmario: qui prolatio in Concilio Attiniacensi decem provinciarum anno DCCCLXX. quinquaginta quinque capitulorum opusculo adversus Hincmari Laudunensis Episcopi collectiōnem edito, ejus consilium in illa collectiōne adornanda his verbis aperit: *Querens adinventiones ut te metropolitana subiectione posses exuere, libellum de patrum antiquorum scriptis ante sacros Nicene Synodi & aliorum sanctorum canones editis collegisti: in quibus sententias inter se dissont, & contra evangelicam, & apostolicam, atque canoniam, & apostolice sedis auctoritatem, immiscuisti.* Hæc una ratio Nicolao I. persuasit ut se acerriū vindicem earum epistolarum præstaret, quò facilius Episcopos Romanas sedi sine medio subjiceret. Ex iis enim novam illam regulam veteribus canonibus incognitam constituit, scilicet Episcopum, etiam si non appellaverit Romanam sedem, à synodo provinciæ inconsulto Romano Pontifice deponi non posse. Nicolai verba hæc sunt in epistola ad Episcopos Galliæ, de Rothadi Episcopi Suectionensis caussa loquuntis: *Etsi sedem apostolicam nullatenus appellasset, contra tot tamen & tanta vos decretalia efferre statuta, & Episcopum inconsultis nobis deponere, nullomedio debuisti.* In eandem sententiam in Concilio Romano peroraverat, cum Rothadum restituere: *Quan-*

quam etiæ nunquam provocasset, nunquam omnino preter scientiam nostram deponi debuerit: quia sacra statuta & veneranda deicta, Episcoporum caussas, nuptie majora negotia, nostre definiendas censuram mandarunt. Statuta illa decretalia, quorum meminit Nicolaus, referri debent ad epistolas Viatoris, Sixti, Marcelli, Zephyrini, Iulij, & aliorum Pontificum. Iis duo præcipue caventur. Primum,

*Hincmarus l. 1.
Hilf. Rer. op.
11. &c. 11.*

*Vide lib. 7. c. 5.
6. 24.*

Nicolaus p. 10.

*Nic. in Concl.
Rom anno 106.*

rum, ut nulla synodus provincialis Episcoporum criminales causas definiat, in consulta Romana sede. Secundum, ut nulla synodus præter sedis illius auctoritatem cogatur. His duobus capitibus præcipuum discrimen Iuris antiqui & novi continetur. Vnde effectum est ut Metropolitanorum dignitas, & synodorum provincialium auctoritas, quæ in canonibus decernendis aut iudiciis reddendis vigeat, maximè debilitata sit, atque adeo novæ quæ in dies emergeret solent negotiorum species, non amplius in Concilio Gallicanis, ut fieri solebat juxta mores antiquos, sed in Concilio Romanis primum, deinde à solis Pontificibus discissæ & decisæ fuerint; licet synodorum provincialium congregati & canonum condendorum potestati in universum Episcopi Gallicani renuntiare noluerint. Qua de re uberiori tractavi in Dissertatione de Concilio Diocesano. Quare mirandum non est si Ecclesia Gallicana adeo rigide Collectionem Isidori, quod ad illos articulos attinet, exploserit, & antiquos canones adversus novas Decretalium regulas constantissimè afferuerit, cum de iudiciis Episcoporum, & de synodorum provincialium potestate, post Nicolai obitum cum Hadriano II. & Ioanne V III. disceparet; ut docui in Exercitatione de Iudicis Canonis Episcoporum. [Vide librum septimum.]

II. Tandem vero eò devenutum est ut tantis nominibus veterum Pontificum cesserint, una cum reliquis Episcopis, etiam Gallicanæ Ecclesiæ rectores: qui in Concilio Remensi ab Hugone & Roberto Regibus Francorum coacto anno nonagesimo nonagesimo secundo, Anacleti, Iulij, Damasi, & aliorum Pontificum epistolas expanderunt, in causa Arnulphi, ac si in canonum censum receptæ essent. Quare Burchardus Wormatiensis Episcopus, cum novam collectionem canonum institueret circa annum millesimum vigesimum, eam, ex seculo sui sensu, primorum Pontificum epistolis auxit: quibus & selectos ex Augustino, Hieronymo, Gregorio, & Isidoro locos adjunxit. Eadem ratione secutus est Ivo Carnotensis in ea Collectione Canonum quam ad Ecclesiæ Gallicanæ usum circa annum millesimum & centesimum publicavit. Sed Burchardo in eo superior fuit, quod ante Iuris civilis promulgationem (quæ post obitum Lotharii II. studio Mathildis Comitis procurata est) quamplurima ex Digestis, Codice, & Novellis transcripta in collectionem suam retulerit; ita ut exemplo Ioannis Scholastici & Photij

Patriarcharum Constantinopolitanorum, Ius Civile cum Canonicō coniuncterit. Vt batur quidem olim Ecclesia imperatoriis legibus ad judicia ordinanda, & Galliarum Episcopi Codicem Theodosianum sequebantur, ut docuit Hincmarus. Sed in Occidente prima utriusque Iuris collectio debetur Ivo Carnotensi; qui etiam canones in synodis provincialibus editos non omisit. Successit Gratianus, qui Decretorum corpus nova quidem methodo adornavit; sed collectionem tam Dionysij Exigui, quam Isidori, & Iovonis, in partes disseparat, in unum corpus industria sua temperatum compedit; & aliquot legibus, constitutis novis Pontificum & Conciliorum, & patrum locis amplificavit, circa annum millesimum centesimum quinquagesimum. In scholis publicè recitat & quotidie prælegitur Gratiani Decretum. Sed, ut recte monuit vir eruditissimus Antonius Augustinus, cum Gratiani Collectio privato studio instituta sit, quæ refert auctorum testimonia non majori pollent auctoritate quam antea obtinebant. Quare canonum & pontificiarum Constitutionum excerpta, suprema auctoritate apud omnes excellunt. Quæ vero è provincialibus Conciliis aut Patrum libris accepta sunt, non omnes tenere possunt.

III. Gratiani Decretum subsecutæ sunt tres Decretalium epistolarum Alexandri III. Innocentij III. & Honorij III. Collectiones: quas exceptit ultima Gregorij IX. de qua loquitur Mathaeus Paris: *His quoque temporibus Gregorius IX. videns tediousam Decretalium pralixitatem, sub quodam compendio eas eleganter abbreviatas & collectas solenerit & authenticè per totius mundi Latitudinem legi precepit & publicari.* Gregorium secuti Bonifacius VIII. Sextum Librum Decretalium, Clemens Clementinas Constitutiones, Ioannes Extravagantes suas, & alius quidam Extravagantes communes ediderunt: quæ ideo Extravagantes dicuntur, quia extra Gratiani Decretum vagantur. His voluminibus comprehenduntur capita Conciliorum Lateranensis, Lugdunensis, & Viennensis, quæ per varios titulos secundum subjectam materiam sparsa sunt.

IV. Quæri solet, qua ratione effectum sit ut Ius Canonicum, quod per octingentes annos unico codice, eoque non valde amplio, continebatur, in tantam molem excreverit, ut lacertorum perinde ac ingenij viribus opus sit ad volumina illa terenda, & an jus novum à veteri magnopere deflexerit. Ardua quidem est quæstio proposita, cui secundum dignitatem discutiendæ

T

Hincmarus ep. 4.
c. 6. edition. Mo.
Sexus decimus li.
ber legatus, quibus
una cum sacra Ca-
nonum funda mo-
deratur Ecclesia.
P. et Liber 16. Co-
dicitus Theodosianus.

Mathaeus Paris in
Henrico III.

Vide eruditissi-
mam Differatio-
nem Fr. Florentii
Antecelloris meri-
tillini de Origine
Iuris Canonici,
parte secunda.

multis verbis opus esset. Sed paucis, quod attinet ad præsens institutum, sententiam meam promam. Summum caput in quo jus pœnum ab antiquo differt, in eo jam constitui, quod supra potestas, quam in plerisque caussis judicandis synodi provinciales obtinebant, penitus extincta sit, & ad solum Summum Pontificem revocata, & ea quæ in canonibus condendis versatur, sit adeo immunita, ut Pontifici soli constitutionum condendarum onus incubuerit, quibus earum rerum formam præscribebat de quibus apud illum erat disceptandum. Hinc secutus est novus judiciorum ecclesiasticorum ordo ad cognitiones per rescripta Pontificum instituendas in provinciis. Vnde tot constitutiones emanarunt de rescriptis, de judicibus delegatis, de officio judicis ordinarij, de dilationibus, exceptiōnibus, sententiis, & appellationibus, & de toto, ut generaliter loquar, judiciorum ordine. Hæc omnia olim non adeo exacte & solemniter exercebantur, ut novis constitutionibus est decretum; quæ magna ex parte in formulis actionum, & in tritura fori, anxiè & scrupulosè versantur. Ex alio deinde capite nova ecclesiasticae politiæ facies oborta est, scilicet ex beneficiorum ab ordinationibus discretione. Antiquo jure, quod canone Concilij Chalcedonensis probatum erat, nullus ad clerum adscisciebatur, quin ad certam Ecclesiam sub Episcopi, Presbyteri, Diaconi, & ceterorum ordinum gradu adscriberetur; adeo ut manus impositionem sequeretur adscriptio in canonom seu laterculum & matriculam Ecclesiae. Hoc obtinet adhuc in Episcopis; sed in ceteris gradibus ordinationes ~~σταθερας~~ & absolutè fiunt, & absque titulo Ecclesiae, contra præscriptum Concilij Chalcedonensis. Constitutum quidem fuit in Concilio Lateranensi, ne Clerici ordinarentur absque titulo, saltem patrimonij, scilicet ne in opprobrium cleri mendicare cogerentur. Sed hoc decreto non est restituta vetus disciplina, qua Clericos per manuum impositionem suis Ecclesiis addicebat. Separatio ista & discretio ordinacionis ab Ecclesiae seu beneficij collatione & pinguissimorum redditum copia, novas in jus canonicum regulas invexit antiquo juri prorsus incognitas, de beneficiis acquirendis, conservandis, & amittendis, quæ ferè utramque paginam novi juris faciunt. Matrimoniorum impedimenta novis interdictis ad tuendam honestatem publicam introducta, & revocatae ad solam Ecclesiam earum caussarum cognitiones, & cognitionum, quæ hac de re habentur, adstrictis

forensibus formulis ordo, novam juri canonico materiam subministrarunt. Excommunicationum infligendarum, & pœnitentiarum publicarum, quæ antiquo jure vigebant, temperatus jure novo rigor, novis constitutionibus explicandus erat. Non omittendæ sunt multiplices monachorum species, & religiosarum domum diffusa per Europam multitudo, quæ novis regulis, & institutis, Pontificum curam ad se traxerunt. Quin & indulgē monasteriis aut canonorum Capitulis exemptiones ab Episcoporum jurisdictione, & privilegia varia illis concessa, varias caussarum figuræ à Pontificibus disceprandas præbuerunt. Quæ omnia si quis accuratè expendat, non adeo laborabit de discrimine antiqui juris & recentioris, quod rerum & negotiorum varietas ab invitis Pontificibus pro utilitate reipublicæ Christianæ extortis. Itaque eo statu res Ecclesiae nunc posita sunt, ut si quis de absoluta & integra restitutione juris antiqui & novi abolitione contendant, perinde agat ac si imperiorum in veteratorum administrationem ad eam formam revocare velit, quæ in ipsis regnum initii obtinebat. Hinc etiam sequitur necessariam esse hodie Decretalium cognitionem iis omnibus qui juris canonici peritia censeri velint, ea tamen lege, ut antiqui juris cognitio non deseratur. quo vitio laborarunt superiora aliquot secula. Quod ab auctore librorum de hierarchia subcalefti hec verba expressit anno millesimo quadringentesimo sexto: *In Ecclesia Greca multo sunt Canonistæ, id est, scientes canones universalium & generalium Conciliorum; in Latina, nulli sunt Canonistæ, sed multi Decretalistæ.*

V. Eò tamen tendere videtur Leschaffensis sententia, qui veram Libertatem Ecclesiae Gallicanæ antiquo jure metitur, quod curiarum decretis in usum paulatim revocari debere contendit. Nos verò, qui veteres laudamus, nostris tamen annis utendum esse censemus, & Libertatem in recto antiqui & novi juris usu constituimus, necessariásque nostro seculo Decretalium definitiones, quæ novis negotiis prospexerunt, non absque manifesta ratione existimamus. Non alia mens est aut B. Ludovici, aut Caroli VI I. & totius Ecclesiae Gallicane, cùm libertatem Ecclesiae in *jure communione* versari contendunt. Antiquos enim canones & jus commune intelligebant quod Gratiani Decreto & Decretalibus erat comprehensum. Id manifestè probatur, non solum ex eo quod vetus codex canonum illicis esset incognitus, sed etiam è Concilio Constantiensi. Etenim sessione xxxix,

cum de fidei professione à Papa edenda ca-
veret, non solum octo Concilia Oecume-
nica ab illo conservanda decernit, sed etiam
Lateranense, Lugdunense, & Viennense.
Quare seculo Caroli VI. Conciliorum ge-
neralium nomine, Ecclesia Gallicana non
solum vetera, sed etiam recentiora illa in-
telligebat. Enimvero in Gallia, quod ad
disciplinam attinet, decretalium constitui-
tis locum damus, cum bona Romanorum
Pontificum venia, quæ nostris rebus & uti-
litati publicæ accommodatae sunt, id est,
omnibus ferè, paucissimis exceptis.

V I. Sanè dissimulandum non est, eam
quæ jure divino Episcopis quaesita est Ec-
clesiæ administrationem, nullis decretalibus
ablatam fuisse; quamvis potestatis illius
exercenda modus variis constitutionibus
variè pro temporum ratione prescriptus
fuerit. Itaque si ea tempora incident ut re-
genda Ecclesiæ necessitas Episcopos à re-
gulis recentioribus discedere cogat, nihil
verat quo minus jus naturale & divinum,
omissis formulis quæ jure novo prescripta
sunt, locum habeat. Exempli causa; si fe-
dis Romanæ vacatio per multos annos pro-
traheretur, si hostium armis obsessa tene-
rentur itinera, ita ut securè Romanus Pon-
tifex adiri non posset, aut si qui alij similes
aut graviores casus incidenter, jure divino
aut antiquo illo jure ecclesiastico admini-
stranda esset Ecclesia.

C A P V T VII.

Synopsis.

I. Confutatur communis opinio, qua docet præci-
pium Libertatum regulam hanc esse, ut Concilium
Oecumenicum superius Romano Pontifice dicatur.
Quamvis hac sit Schola Gallicana sententia, non est
una ex Libertatibus Gallicani. In foro perinde est,
si Summus Pontifex aquo vel superiori jure cum Con-
ciliis utatur. Vbi id tantum expeditur, an nova res-
cripta noceant Ecclesia Gallicana.

II. Canonum executionem ex pollicitatione exi-
gimus. Pontifices Romani canones non posse infringi
docebant facili & scriptis; ut Innocentius I. in causa
Chrysostomi.

III. Zedimus in causa Arelatensis Episcopi, &
in epistola generali. Et Bonifacius I.

IV. Sed præcipue Leo, in reprobatione canonis
xxv i i. Synodi Chalcedonensis. Hujus questionis,
qua illustris est, status constituitur. Secundus digni-
tatis gradus delatus Episcopis CP. à secunda synodo.
Quo usi sunt in Oriente, ut probatur variis testimoniis,
e C. Th. & synoda Chalced. Solvitur objec-
tum, & rescripto Theodosij, de Flaviano.

V. Nec administratio nec ordinatio Diœceseon
Asiana & Ponticatributa est hoc canone; sed usu, in
quibusdam Ecclesiis. Canon xxv i i. expensu, &
sententia vii eruditii circa ejus explicationem, quare-

fellitur; & verus sensus illius canonis exponitur, re-
stituta interpunctione.

V I. Leo approbare noluit canonem xxv i i. quod
contrarius esset canonibus Nicenis. Due regule elici-
ta ex epistolis Leonis. Prima, nullos esse canones ad-
verso Nicene Synodo. Secunda, Summum Pontifi-
cem esse custodem canonum.

V II. Leo decernit irritum hunc canonem, eo no-
mine, quod sit contrarius Nicene Synodo.

I. S OLET à plerisque pragmaticis hoc
ferè præcipuum constituti Libertatis Gallicanæ theorema, Concilium Oecu-
menicum superius esse Summo Pontifice. unde sequatur nihil à sedis apostolicæ Præ-
sulibus tentari posse quod synodorum gene-
ralium definitionibus aduersetur. Invidio-
sam quæstionem fecit nimium partium stu-
dium. quod si abesset, vexatissima illa con-
tentio facile componi posse videretur. Scio
quid Theologi Parisienses constanter pro-
fessi fuerint in Concilio Constantiensi, Ger-
sonis auspiciis, quod omnes Ecclesiæ Patres
tunc amplexi sunt, in unum conspirantibus
omnium Episcoporum & Nationum votis.
Scio quid Basileensis Synodus, quæ, pau-
cis exceptis, omnes ferè Occidentis Epi-
scopos continebat, de hac re decreverit,
quidque à Gallicanæ Ecclesiæ Theologis
passim doceatur. Attamen si cum bona Ma-
gistrorum venia, id quod sentio liberè pro-
fiteri liceat, existimo Libertates Ecclesiæ
Gallicanæ hoc axiome non omnino niti.
Qui Romani Pontificis odium in has liber-
tates concitant, id præcipue urgent, eas
alia ratione constare non posse, quam apo-
stolicæ sedis dignitate in eo maximè immi-
nuta, quod Pontifex Concilij Generalis
auctoritati subjiciatur. Attamen haec sen-
tentia, et si in Schola Parisiensi & ceteris
hujus regni Academiis certissima habeatur,
in foro apud nos non disceptatur; qui Li-
bertates perinde tuemur, si de Concilij Ge-
neralis novis Decretis, ac si de Romani
Pontificis Constitutionibus agatur. Quin-
etiam receptos mores & consuetudines Ec-
clesiæ Gallicanæ, nostro usui commodas,
adeo retinemus, ut eti canone Concilij
Generalis destituamur, quo illæ firmatae
sint, tamen ab iis nobis discedendum esse
non censemus. Quare non est quod hære-
amus in ea regula, quæ Romanis stomachum movere, & quæ rebus nostris non pro-
spicit ut par est. Fruatur Summus Pontifex
aut æquo jure cum Conciliis Generalibus,
aut superiori. Illud unum in foro expende-
tur, an nova constitutio vel novum rescrip-
tum rebus Gallicanis consulat, aut no-
ceat. Si receptos canones vel receptos mo-
res infringat aliquo pacto, ejus ratio non
T ij